



**SCAN TO JOIN & FOLLOW US  
(WhatsApp Channel)**



## **ZAKAT- AL- FITR KA BAYAN**

### **QUR'AN SE DAEEL**

#### **Surah Al-Baqarah (2:110)**

*"Aur namaaz qaim karo aur zakat do, aur jo kuch tum apne liye aage bhejte ho nek kaamon se, usay Allah ke paas paoge."*

- Yahan "zakat" ka lafz aam hai, jo Zakat-ul-Fitr ko bhi shamil kar sakta hai.



## **Surah At-Taubah (9:103)**

*"Un ke maalon mein se sadqa le lijiye, taake is se aap unhen paak karein aur un ke liye dua karein."*

- Yeh sadqa aur paak karne ka zikr Zakat-ul-Fitr ke maqsad (rozadaar ko paak karna) se milta julta hai.

## **HADEES SE DALEEL**

### **Sahih Bukhari (Hadith #1503)**

*Hazrat Ibn Umar (RA) se riwayat hai ke Rasool Allah (SAW) ne Zakat-Al-Fitr ko har Musalman par wajib kiya, chahe woh azaad ho ya ghulam, mard ho ya aurat, chhota ho ya bada, ek saa khajoor ya jau ke barabar, aur yeh hukm diya ke yeh Eid ki namaaz se pehle ada ki jaye.*

- Yeh hadith Zakat-Al-Fitr ki wajibat aur miqdaar ko wazeh karti hai.

### **Sahih Muslim (Hadith #984)**

*Hazrat Ibn Abbas (RA) se riwayat hai ke Nabi (SAW) ne Zakat-ul-Fitr ko Eid-ul-Fitr se pehle wajib kiya taake yeh rozadaaron ke liye paakiza sadqa ho aur gareebon ke liye khana muhayya kar sake.*



- Is hadith se Zakat-ul-Fitr ka maqsad samajh aata hai, jo rozadaaron ki ibadat ki takmeel aur gareebon ki madad hai.

## 2. Sunan Abu Dawood (Hadith #1609)

*Hazrat Ibn Umar (RA) kehte hain ke Rasool Allah (SAW) ne farmaya: 'Zakat-ul-Fitr ek saa khajoor ya ek saa jau hai jo har shakhs par wajib hai.'*

- Yeh miqdaar ko mazeed saaf karti hai.

## Tafseeli Note:

### Zakat-Al-Fitr Kya Hai?

Zakat-Al-Fitr ek khas sadqa hai jo Ramazan ke akhir mein Eid-ul-Fitr se pehle har Musalman par wajib hota hai. Iska maqsad rozadaaron ki ibadat ko gunaaho, kahili, Kotahi, la parwahi, khataon se paak karna aur gareebon ko Eid ke din khushi mein shamil karna hai.



## **Miqdaar:**

Ek shakhs ke liye takreeban 2.5 se 3 kilogram khana (jaise khajoor, jau, gandum, chawal...Jo bhi cheez wo zyada khate

ho) Ration ya samaan ki shakl me di ja sakti hai, yani har wo cheez ji insan zyada khata ho usi ke keemat ke hisab se ghar ke har ek member ki taraf se zakat al fitr nikala jayega

## **Kon Deta Hai?**

Har woh shakhs jo apne aur apne zimme daar logon (bachon, biwi) ke kharch ki taaqat rakhta ho, us par yeh wajib hai.

Ramazan ke akhir se le kar Eid ki namaaz se pehle dena hai

## **Maqsad:**

Yeh sadqa na sirf gareebon ki madad karta hai balki rozadaaron ke chhote gunahon ki maafi jo Roze ki halat me Kotahi, kahili, la ilmi se hogayi ho uska kafaara bhi banta hai, jaisa ke hadith mein zikr hai.

## **Zakat-ul-Fitr Ki Shara'i Ahmiyat:**

Zakat-ul-Fitr Islam mein itni ahmiyat rakhti hai ke isay Ramazan ke rozon ki takmeel aur Eid ki khushi ka hissa banaya gaya hai. Yeh ek tarah ka shukriya bhi hai Allah (s.w.t)



ki ne'mat (roza rakhne ki taufeeq) ke liye aur ek zariya hai gareebon ko Eid ke din khushi mein shamil karne ka.

## Zakat-ul-Fitr Ki Fazeelat:

### Rozon Ki Takmeel Aur Paakiza Sadqa:

- **Hadith:** *Sahih Muslim (Hadith #984)* mein Hazrat Ibn Abbas (RA) se riwayat hai ke Rasool Allah (SAW) ne farmaya: "Zakat-Al-Fitr rozadaar ke liye us ki bekaar baaton aur ghalat kalimaat se paakiza sadqa hai aur gareebon ke liye khane ka zariya hai."
- **Fazeelat:** Yeh rozon ke dauraan hone wali chhoti ghaltiyan (jaise bekaar baatein ya ghaflat) ka kaffara banta hai, aur rozadaar ke liye apne rozon ko paak karne ka zariya hai. Yani, yeh Ramazan ki ibadat ko mukammal karta hai...In shaa Alah



## Allah Ki Razamandi Ka Zariya:

- **Hadith:** *Musnad Ahmad (Hadith #6880)* mein Nabi (SAW) ne farmaya: "Zakat-Al-Fitr rozadaar ko us ki bekaar baaton se paak karti hai."
- **Fazeelat:** Yeh na sirf duniyawi gunahon se paak karti hai balki Allah ke nazdeek qurbat aur maafi ka sabab bhi banta hai. Rozadaar ke liye yeh ek tohfa hai jo us ki ibadat ki qabooliyat ko barhata hai.

## Jama'at Mein Yakjehti:

- Zakat-ul-Fitr har Musalman par wajib hai, chahe woh ameer ho ya gareeb (jo apne kharch ki taaqat rakhta ho). Is se Musalmanon mein bhai chara aur yakjehti barhti hai, kyunke ameer gareeb ki madad karta hai aur sab Eid ke din ek saath khushi manate hain.
- **Fazeelat:** Yeh ek chhota sa amal hai jo bade sawab aur gunahon se nijaat dilata hai.



## KUCH AHEM NUQTA (POINTS)

1. Zakat al Fitr ye har musalman par wajib hai
2. Eid ul Fitr ke Namaz se pehle tak ( yani jis din ye ayelaan hua ke aaj Chand raat hai aur kal Eid hai to maghrib ke baad se hi Zakat al fitr dene ka waqt shuru hojata hai aur Eid ki Namaz se pehle tak ise adaa kar dena zaruri hai
3. Ghar ke har merber ki taraf se ise nikal na wajib hai yani ghar ka zimmedar shaks hi ise adaa karega lekin ghar me jitne members hai tamaam ke taraf se nikal na hoga
4. Misaal ke tour par ghar par 10 members hai to pure 10 members ka fitr nikalega jo ghar ka zimmedar shaks hai
5. har member ki taraf se 2.5 kg se lekar 3 kg tak fitr nikal na hai
6. zakat al fitr us cheez par nikal na hai jo khud ghar par zyada khate ho, jaise misal ke tour par agar



**chawal (rice) zyada khate ho to rice ka price 100 rs hai per kg to 2.5 kg ka amount = 250/- rs hoga per person ka...isi tarike se ghar ke tamaam members ka hisab laga lijiye**

**7.zakat al fitr Sirf Ration/ samaan/galla/ khane peene ki cheezon ki shakl me hi hona chahiye...cash paisa kisiko bhi na dein**

**8.Bahot zyada tangdast, gareeb, miskeeno aur mustahiqon ko dena hai..taake Eid ke din koi bhooka na rahein**

**PEHLE KE TAMAAM PDFS KE LIYE HUMARE ACADEMY KE WEBSITE ME VISIT KAREN**